



- ایکی رکعت سَنّت. گیجه اُوگرندکلرینی ضَمّایت، اونوتماڭ یا؟

- خیر.

- هایدی.

او، افتتاح تکبیرینی، اَلرینی اوموزلرینه قالدیرارق قادین گی یاپارکن بن ده غیر اختیاری اونی تقلید ایتمشدم. سنتی بیتیردکن صوڭره بڭا:

- یاوروم، دیمشدی، سن قادینمیسڭ؟ قادینلر اویله باشلار، سن اُرککسڭ، اَلرینگی قولاقلریڭ گوتوره جکسڭ.

و حرارتلی اَلرینه بنم کوچک اَلریمی قولاقلریمه قالدیرارق:

- ایشته بویله، دیهرک اُرکک افتتاحینی اُوگرتدی. بن ده تکبیری اویله آلوب نمازی بیتیردم.

دعا ایدرکن صوردمکه:

- ناصل دعا ایده جگم آنه؟

او دعا ایدیور و طوداقلری حرکت ایتدکجه باش اورتوسی ده اهتزاز ایدر گی اولویوردی. باشنی صالادی، دعاسنی بیتیردکن صوڭره، داها حالا خاطرمده:

- اُولا اسلام اولدیغم ایچون اُی جناب واجب اَلوجود حضرتلری سڭا حمد ایدرم دی. صوڭره وطنمڭ دشمانلرینی پریشان ایتمه گئی سندن استرحام ایدرم دی. صوڭره ده بوتون اذیت چکن، خسته اولان، فلاکتده بولونان، فقیر اولان مسلمانلرڭ سلامت و صحتلرینی سندن تمّنی ایدرم دی. کندیڭ ایچون، ای اولهڭ و شیطانڭ یالانلرینه آلدانماهڭ ایچون دعا ایت، دیمشدی. بن بو بسیط و تورکجه دعای اچمدن سویله دم، فاتحه...